

欽定四庫全書		子部七	
三命通會		術數類五	
提要		命書相書之屬	
臣等謹案三命通會十二卷原本不著撰人姓名卷首但題育吾山人著明史藝文志有萬民育三命會通十二卷與此本卷數相合惟以通會作會通為稍異今考世所傳星學大成專論五星者為萬民英所撰已著於錄			
欽定四庫全書		三命通會	
此本專論子平亦出民英之手藝文志蓋因育吾山人之號誤以民英為民育又通會二字傳寫互倒遂有不同其實即此書也自明以來二百餘年談星命者皆以此本為總彙幾於家有其書中間所載仕宦八字往往及明季之人蓋後來坊刻所攙入亦已非原本之舊特以其闡發子平之遺法於官印財祿食傷之名義用神之輕重諸神煞所係之吉			



凶皆能採撮羣言得其精要故為術家所恒									
用要有未可遽廢者至其立論多取正官正									
印正財而不知偏官偏印偏財亦能得力知									
食神之能吐秀而不知傷官之亦可出奇是									
則其偏執之見未能圓徹且胎元等論施之									
今日亦多有不驗言命學者但當得其大意									
而變通之可矣若所引珞子與今永樂大									
典中所輯完本其文迥殊則其時秘冊僅存									
欽定四庫全書									
三命通會									
外間末由窺見遂誤信依託之本固未足以									
為病也乾隆四十四年九月恭校上									
總纂官 臣 紀昀 臣 陸錫熊 臣 孫士毅									
總 校 官 臣 陸 費 墀									

